



# ՍՈՒՐԲ ՉԱԿՈԲ

## ԱՌԱՋՆՈՐԴԱՆԻՍՏ ՄԱՅՐ ԵԿԵՂԵՑԻ

Յանակի Առաքիւն Կրաչի

24 Նոյեմբեր 2019

Կիրակնօրեայ Ընթերցումներ  
Եջ 1  
Ծանուցում  
Եջ 2

ՊՕՂՈՍ ԱՌԱՔԵԱԼԻ  
ԹԵՍԱՂՈՆԻԿԵՑԻՆԵՐՈՒՆ ԳՐԱԾ  
ԱՌԱՋԻՆ ՆԱՄԱԿԻՆ  
(1.1-10)

**Մ**ենք՝ Պօղոս, Սիղուանոս եւ Տիմոթէոս,  
կը գրենք ձեզի՝ թեսալոնիկեցիներու  
եկեղեցին որ Հօր Աստուծոյ եւ Տէր Յիսուս  
Քրիստոսի կը պատկանի: Շնորհք եւ խաղա-  
ղութիւն ձեզի:

Մեր աղօթքներուն մէջ միշտ կը յիշենք  
ձեզ եւ անդադար ձեզի համար գոհութիւն  
կը մատուցանենք Աստուծոյ: Հօր Աստուծոյ  
առջեւ միշտ կը յիշենք թէ ի՞նչպէս կեանքի  
կը վերածէք ձեր հաւատքը, սէրէն մղուած կը  
ծառայէք ուրիշներուն, եւ մեր Տիրոջ Յիսուս  
Քրիստոսի յուսալով՝ նեղութիւններու կը  
համբերէք:

Եղբայրներ, գիտէք թէ Աստուծած ձեզ սիրեց  
եւ ընտրեց, որովհետեւ մեր քարոզութեամբ  
Աստուծած իր Աւետարանը յայտնեց ձեզի ո՛չ  
միայն խօսքով, այլ նաև զօրութեամբ, այսինքն  
Սուրբ Հոգիի ներգործութեամբ, եւ կատարեալ  
վստահութիւն ներշնչեց ձեզի: Դուք լաւ  
գիտէք թէ ձեր մէջ ի՞նչպէս ապրեցանք, ձեզի  
օրինակ ըլլալու համար: Մեզի նմանելով դուք  
Տիրոջ նմանած եղաք, քանի որ հակառակ ձեր  
կրած բոլոր նեղութիւններուն՝ Սուրբ Հոգիին  
պարգեւած ուրախութեամբ ընդունեցիք  
մեր քարոզութիւնը, եւ ձեր այդ ընթացքով  
օրինակ եղաք Մակեղոնիայի եւ Աքայիայի

բոլոր հաւատացեալներուն: Արդարեւ դուք  
ձեր օրինակով Տիրոջ խօսքը հռչակեցիք ո՛չ  
միայն Մակեղոնիայի եւ Աքայիայի մէջ,  
այլեւ ամէն տեղ ուր Աստուծոյ վրայ ունեցած  
ձեր հաւատքին համբաւը տարածուեցաւ:  
Այնպէս որ այլեւս ո՛չ պէտքը կը զգանք  
բան մը աւելցընելու, ո՛չ ալ մենք մեզ ներ-  
կայացնելու, որովհետեւ ուր որ երթանք՝  
մարդիկ իրենք մեր մասին կը պատմեն թէ  
ի՞նչպէս ձեզի եկանք եւ դուք կուռքերը  
ձգելով Աստուծոյ դարձաք՝ կենդանի եւ  
ճշմարիտ Աստուծոյ ծառայելու համար, եւ թէ  
ի՞նչպէս կը սպասէք որ երկինքէն վերստին  
գայ Աստուծոյ Որդին Յիսուսը, որ Աստուծած  
մեռելներէն յարուցանեց, եւ որ մեզ պիտի  
փրկէ գալիք բարկութենէն:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԻՆ  
ՀԱՍ ՂՈՒԿԱՍԻ  
(12.13-31)

**Ճ**ողովուրդէն մէկը Յիսուսի ըսաւ.  
«Վարդապետ, ըսէ եղբօրս որ մեր  
հօր ձգած ժառանգէն իմ բաժինս տայ ինծի»:  
Յիսուս պատասխանեց. «Ով մարդ, ո՞վ զիս  
դատաւոր կամ իրաւունքի բաժանարար  
կարգեց ձեր վրայ»: Ապա դառնալով  
ժողովուրդին, շարունակեց. «Նայեցէք եւ  
զգուշացէք ագահութեան բոլոր տեսակներէն,  
որովհետեւ մարդու մը կեանքը կախեալ չէ իր  
ամբարած հարստութենէն»:

Յիսուս անոնց առակ մըն ալ խօսեցաւ եւ  
ըսաւ.

«Հարուստ մարդ մը կար, որուն արտերը  
առատ բերք տուին: Ան ինքնիրեն կը մտածէր  
ու կ'ըսէր. “Ի՞նչ ընելու եմ, որովհետեւ հունձքս  
ամբարելու համար շտեմարաններուն մէջ տեղ  
չմնաց: Այո՛, գիտեմ ինչ պիտի ընեմ: Պիտի

քակեմ շտեմարաններս, աւելի ընդարձակները պիտի շինեմ եւ հոն ամբարեմ ցորենս եւ ամբողջ բերքերս։ Ապա ես ինծի պիտի ըսեմ.- Ո՞վ մարդ, քանի որ երկար տարիներու համար ամբարած հարստութիւն ունիս, հանգիստ ըրէ. կե՛ր, խմէ՛ եւ ուրախացի՛ր”։ Բայց Աստուած ըսաւ իրեն. “Անմի՛տ մարդ, այս գիշեր իսկ հոգիդ քեզմէ պիտի առնեն. որո՞ւն պիտի մնայ պատրաստածդ”»։ Եւ Յիսուս եզրակացուց. «Նոյնն է պարագան բոլոր անոնց, որոնք միայն իրենց անձերուն համար հարստութիւն կը դիզեն, փոխանակ Աստուծոյ աչքին հարստանալու»։

Ապա Յիսուս իր աշակերտներուն ըսաւ. «Մի՛ մտահոգուիք ձեր ապրուստին համար թէ ի՞նչ պիտի ուտէք, եւ ո՛չ ալ ձեր մարմիններուն համար թէ ի՞նչ պիտի հագնիք։ Որովհետեւ կեանքը աւելի կարեւոր է քան ուտելիքը, եւ մարմինը աւելի կարեւոր՝ քան հագուստը։ Դիտեցէք ագուաները, որոնք ո՛չ կը սերմանեն, ո՛չ կը հնձեն, ո՛չ շտեմարաններ ունին եւ ո՛չ ամբարներ, սակայն Աստուած կը կերակրէ զանոնք։ Աստուած պիտի չկերակրէ՞ ձեզ, դուք՝ որ Աստուծոյ աչքին թռչուններէն գերազանց էք։ Մտահոգուիլը ուեւէ ձեւով ձեր կեանքը կ'երկարէ՞։ Եթէ նուազագոյն բանը չէք կրնար ընկել, ինչո՞ւ ուրեմն ուրիշ բաներով կը մտահոգուիք։ Դիտեցէք եւ տեսէք թէ ի՞նչպէս կ'ածի դաշտի շուշանը։ Ո՞չ կը հիւսէ եւ ո՛չ ալ հագուստ կը կարէ։ Հաւատացէք որ նոյնիսկ Սողոմոն իր ամբողջ փառքին մէջ անոնցմէ մէկուն պէս գեղեցիկ չկրցաւ հագնիլ։ Եթէ Աստուած այդպէս աղուոր կը հագցնէ խոտը որ այսօր դաշտին մէջ է եւ վաղը կրակը պիտի նետուի, ձեզ աւելի լաւ պիտի չհագցնէ՞, թերահաւատնե՞ր։ Հետեւաբար, մի՛ մտահոգուիք ո՛չ ձեր ուտելիքով եւ ո՛չ ալ ձեր խմելիքով։ Մի՛ մտատանջէք դուք ձեզ, որովհետեւ ասոնք բոլորը հեթանոսներուն յատուկ են։ Զեր Հայրը գիտէ որ այդ բոլորին պէտք ունիք։ Այլ, ուզեցէք որ Աստուծոյ արքայութիւնը դայ, եւ Աստուած այդ բոլորը աւելիով պիտի տայ ձեզի»։

Ս. ՅԱԿՈԲ  
Առաջնորդանիստ  
Մայր Եկեղեցի

## ԱՍՏՈՒԳԾՎԲԱՆԱԿԱՆ ԼԱԱՐԱՆԱ.

Արամ Ա. Կայթողիկոսի 25-ամեակին  
Աղիթով

Կը դասախուէ հովիւր՝  
Արժ. Տ. Գառնիկ Աւ. Քհն. Գոյունեան



2

Շաբաթ, 30 Նոյեմբեր 2019-ի  
Երեկոյեան ժամը 6.00-ին

**ԱԿՆԱՐԿ 20-րդ ԴԱՐՈՒՄ  
ՀԱՅ ԱՍՏՈՒԳԾՎԲԱՆԱԿԱՆ ՄՏՔԻՆ**

3

Շաբաթ, 7 Դեկտեմբեր 2019-ի  
Երեկոյեան ժամը 6.00-ին

**ԱԿՆԱՐԿ 20-րդ ԴԱՐՈՒՄ  
ՕՐԹՈՏՈՔՍ, ԿԱԹՈԼԻԿ  
Եւ ԲՈՂՈՔԱԿԱՆ  
ԱՍՏՈՒԳԾՎԲԱՆՈՒԹԻՒՆԵՐՈՒՆ  
Աւանդներ, Հմքեր,  
Մարտահրաւրներ եւ Հեռանկարներ**